



POP

**PERBALLJA
OFERTAVE
POLITIKE**

Center for
Youth Progress



ZGJEDHJET VENDORE 14 MAJ 2023

KONTRATA SOCIALE



KUKËS



Ministry of Education, Youth and Sports of Albania



KONTRATA SOCIALE 2023 – 2027 BASHKIA KUKËS

Përballja e Ofertave Politike (POP) është një nismë e rrjetit të 12 organizatave të shoqërisë civile shqiptare, të cilat punojnë në 12 bashki të Shqipërisë. Në bashkinë Kukës, Kontrata Sociale dhe monitorimi i saj realizohet nga Qendra për Progres Rinor (QPR). QPR është një organizatë lokale që operon në Kukës prej 22 vitesh e fokusuar kryesisht në fushën rinore, ku synon të mbështesë dhe të ndihmojë grupet lokale rinore formale dhe joformale drejt programeve rinore, nismave për zhvillimin e të rinjve dhe të punojë ngushtë me palët e interesuara për të promovuar shërbime cilësore për të rinjtë.

Kontrata sociale hartohet nga POP në çdo fushatë elektorale gjatë Zgjedhjeve Vendore në Shqipëri. Hartimi i Kontratës Sociale bazohet në takime me qytetarë të grupeve të ndryshme dhe bazuar në një metodologji për të marrë mendimet dhe prioritetet e tyre.

Në hartimin e kontratës sociale 2023-2027 janë marrë parasysh kërkesat dhe nevojat e grupeve të ndryshme të qytetarëve brenda territorit të Bashkisë së Kukësit, me një fokus të veçantë për grupet e cënueshme dhe të rinjtë.

Kontrata sociale prezantohet te të gjithë kandidatët për kryetar bashkie gjatë periudhës së fushatës elektorale.

PRIORITETET KRYESORE

Prioriteti 1. Forcimi i demokracisë vendore dhe avancimi i agjendës së integritit evropian në nivel vendor

- Krijimi i një strategjie të re në shpërndarjen e informacionit, kryesisht për ato që lidhen ngushtësisht me interesat e qytetarëve dhe në ndikimin e jetës së tyre (si: programet e ndryshme të nxitjes së punësimit, biznesit, strehimit etj).
- Faqja ekzistuese e internetit të jetë lehtësisht e aksesueshme dhe e përditësuar me të gjitha informacionet e nevojshme që nuk kanë nevojë për kërkesë.
- Fuqizimi i Këshillit Vendor të Rinisë, i ngritur në Bashkinë Kukës, në bazë të ligjit dhe miratuar me vendim të këshillit bashkiak. Të realizohen sipas rregullores takimet periodike me Kryetarin e Bashkisë dhe të ketë deklarata publike nga Këshilli Vendor Rinor dhe Bashkia për rekomandimet/ndikimet në politikat vendore për të rinjtë.

Prioriteti 2. Fuqizimi, përfshirja dhe mbështetja e të rinjve

- Praktika profesionale për të rinjtë e sapodiplomuar pranë institucioneve shtetërore
- Programe punësimi për të rinjtë me kohë të pjesshme të ofruara në bashki apo institucionet e varësisë

- Transport publik falas – kompensim transporti - për të rinjtë dhe fëmijët e zonave rurale që ndjekin kurse dhe sporte të cilat zhvillohen vetëm në qytet.

Prioriteti 3. Rivitalizimi i qendrës kulturore

- Pajisja me një studio provash dhe inçizimesh për muzikë për aktivitetet e të rinjve pranë Qendrës Kulturore të fëmijëve. Krijimi i Kushteve të përshtatshme si për talente të reja ashtu edhe për profesionistët dhe punonjësit e Qendrës. Pajisjet e nevojshme për regjistrim, monitor, audio, kompjuter, mikrofon, kufje etj, do të administrohen nga Qendra Kulturore e Fëmijëve, Bashkia Kukës.

PRIORITETE TË TJERA

Prioriteti 4. Krijimi i Hapësirave Rinore (Qendra e re NOK).

- Prioritizimi i ngritjes së një qendre rinore multifunktionale, ku të rinjtë mund të shpenzojnë kohën e lirë në mënyrë produktive, të argëtohen, të nxisin dhe ushtrojnë talentet e tyre dhe të iniciojnë angazhimin qytetar.

Prioriteti 5. Përcaktimi i një fondi buxhetor vjetor për start-up për bizneset nga të rinjtë.

- Buxhet i veçantë i specifikuar posaçërisht për start-up, ku të rinjtë kanë mundësi për të aplikuar dhe për të zhvilluar një ide biznesi në të ardhmen.

Prioriteti 6. Përcaktimi i një fondi të veçantë për bibliotekën dhe përmirësimi i sallës së leximit

- Rinovimi i sallës së bibliotekës (karrige, tavolina, rafte për librat)
- Furnizimi me libra të rinj
- Kënd specifik për lexim
- Sistem ngrohjeje

Prioriteti 7. Rikonstruksioni i shkollës së mesme “Bajram Abdiu” Bicaj

- Ndërhyrje prioritare për rikonstruksionin e shkollës me kushtet e nevojshme për procesin mësimor.

Pasjisa me laboratorë, sistem ngrohjeje, ujë të rrjedhshëm si edhe rehabilitimi i hapësirave sportive.

Prioriteti 8. Përmirësimi ose/dhe ndërtimi i terreneve sportive në shkolla.

- Shkolla “Bajram Abdiu” Bicaj
- Shkolla “Imer Mata” Zapod
- Shkolla “9 Shtatori” Topojan
- Shkolla “Elmaz Ademi” Bardhoc
- Shkolla “Ahmet Voka” Gostil

Prioriteti 9. Përmirësimi i

infrastrukturës sportive, mbështetje për sportet tradicionale, palestër për sportin e mundjes.

- Sporti i mundjes është një disiplinë e njohur në Kukës. Të rinjtë dhe trajnerët e tyre meritojnë mbështetje për pasionin, interesin dhe sukseset e tyre. Ngritja e një palestere të re dhe përmirësimi i kushteve do të ndihmojë në angazhimin e të rinjve dhe rritjen e tyre.

Prioriteti 10. Përmirësimi i infraskstrukturës sportive, mbështetje për sportet (shah, arte marciale, boks, sportet e lojërave me dorë etj).

- Mbështetja e Klubit të Shahut në Kukës duhet të jetë prioritet, duke përfshirë logjistikën, materiale dhe financat për aktivitetet lokale dhe kombëtare.
- Sportet e arteve marciale duhet të mbështeten për të rritur numrin dhe cilësinë e praktikuesve në Kukës.
- Klubi shumësportësh duhet të fuqizohet për të ndihmuar në diversifikimin e sporteve dhe rritjen e numrit të të rinjve dhe praktikuesve të sportit në Kukës, duke ofruar hapësira dhe mbështetje financiare.

Prioriteti 11. Shëndeti mendor dhe fizik, kënd lojërash për fëmijë dhe palestër në natyrë.

- Kukësi ka nevojë për kënde lojërash publike për fëmijë, si një mungesë e kahershme krahasuar me qytete të tjera.
- Një palestër në natyrë për të gjitha grupmoshat do të ishte një shërbim i nevojshëm për qytetarët e Kukësit.

Rrjeti "Përballja e Ofertave Politike – POP" synon të rrisë debatin publik dhe informacionin te qytetarët si dhe orientimin e platformave drejt nevojave dhe prioritetëve të tyre. Përmes aktiviteteve projekti synon të forcojë demokracinë shqiptare, duke nxitur transparencën dhe llogaridhënien. Përballja e Ofertave Politike - POP, është një nismë e rrjetit të organizatave të shoqërisë civile shqiptare mbështetur nga "Olof Palme International Center" dhe "National Endowment for Democracy." Anëtarët e Rrjetit POP janë organizatat si më poshtë:

- Qendra "Aleanca Gjinore për Zhvillim", Tiranë;
- Qendra për Zhvillimin e Shoqërisë Civile, Durrës;
- Qendra Rinore Vlorë,
- Shoqata për Integrimin e Zonave Informale, Kamëz;
- Epoka e Re, Fier;
- Intelektualët e Rinj Shpresë, Shkodër;
- Lëvizja Rinore për Demokraci, Pukë;
- Qendra Rinore për Progres, Kukës,
- Rinia për Integrim, Aktivizim dhe Sensibilizim, Pogradec;
- Gruaja në Zhvillim, Korçë;
- Hapa të Lehtë, Vau i Dejës;
- Tjetër Vizion, Elbasan